

**सानसेयारि "बड'सा" खौरांलाइयाव**  
 अमाज्यादि जिज्जो लोब्बा थानाय रायथाय, अन्थाय,  
 अल, अल'बाथा आरो दावबायारि थावनि, पाके  
 बाइदिनि आयाव लिखाय लिखाय दैथाय हर।  
 सानसेयारि "बड'सा" खौरांलाइया सेबखानाबि  
 फोसावगोन।  
 बड'सायाव लिखाययनि हुबा खालाम,  
 "बड'सा" खौरांलाइया, जो बयबो आंगो खालाम।  
**सानसेयारि बड'सा मावखुलि**  
 माइबं नोगार, जोहोलाव दैमालु लामा  
 कक्राझार, बिटिम-783370  
 Website: www.bodosanewspaper.com

# सानसेयारि **बड'सा**



BODOSA ★ A Bodo News Daily ★ Thursday ★ 26 November, 2020 Kokrajhar, BTC, Assam ★ Vol.- 30, Issue No. 240 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

**2 कौटि रांनि  
 निसा मुवा हमदों**



**चिलसर, 25 नभेम्बर:** खर'सा आसामनि चिलसर जिल्लानि सिङ्खव थानाय कासार पुलिसनि मोनसे जाफुं सारनाय, मनिपुरनिफ्राय फेनाय गंसे ट्राकनिफ्राय कासार पुलिसआ जब्द खालामनो हायो खमैबो 2 कौटि रां बेसेनि निसा मुवादि टेब्लेटफोरखो। कासार जिल्लानि आसाम-मनिपुर (□ 5 बिलाइआव)

## बारग' गिबि मन्थि रुंसारि तरुन गगैखौ दिनै जोबथा बिदाय होगोन

**फुंनि समाव रुंसारि तरुन गगैखौ नवग्रह'आव बिदाय होगोन**

**गुवाहाटी, 25 नभेम्बर:** थामथि खेब आसामनि गिबि मन्थि मासिखौ सामलायनाय रुंसारि तरुन गगैनि गोथे सहखौ सानथामसिम लाखिनारयनि उनाव गाबोन फुंनि 9.00 रिगायाव नोगोरमानि नवग्रह' ग्राउन्डयाव जोबथा बिदाय होगोन। 86 बोसोर बैसोयाव रुंसारि जानाय गागि



### आमरि कार्बि आरो कार्बिआंलनि गुबुन गुबुन आफादनि थान्दैआ गिबि मन्थिखौ लोगो हमदों

**दिसपुर, 25 नभेम्बर:** आमरि कार्बि आरो कार्बिआंलनि गुबुन गुबुन आफादनि थान्दैफोरा दिने गिबि मन्थि सर्बानन्द सनवालखौ बिथानि सरकारि थाया भवनाव लोगो हमदानै माखासे जेना आयदाफोरनि सायाव गुवारै सावरायलायनाय जायो। गिबि मन्थिजों जानाय सावरायलायनायाव आमरि कार्बि नेसनेल काउन्सिल, आमरि कार्बि फरायसा आफादजों लोगोसे माखासे आफादनि थान्दैफोराबो गावसोरनि गुबुन गुबुन दाबिफोरखौ बोसोनायनि थाखाय गांसे गोसोखांलाइखौ



गिबि मन्थिनो गथायनानै होयो। खमैबो सा 4 लाख सुबु थानाय

बे हररिनि थान्दैफोरा गावसोरनि थाखाय मोनसे गावखुंथाय गौथुम दाफुनायनि थाखाय दाबि खालामो। आमरि कार्बि हररिनि मोनफ्रोमबो नख'रनो हानि पात्ता रान्नाहोनायनि राहा लानो थाखायबो थान्दैफोरा गिबि मन्थिखौ खवलायो। थान्दै (□ 5 बिलाइआव)

### दिने अल इन्डिया बैंक कर्मसारि गौथुमआ हादतनाडेनो सोमावसारगोन

**गुवाहाटी, 25 नभेम्बर:** गाबोन 26 नभेम्बर। बे सानखालि अल इन्डिया बैंक कर्मसारि गौथुम सुंदयै ए आइ बि इ एआ सानसेनि हाबाफारिजों हादतनाडेनो मोनसे गेदेर सोमावसारनाय हाबाफारि खुंगोन। भारत सरकारनि हेँथा गोनां लेवार पलिसिनि हेँथायै मिरु फालांगि गौथुमआ गाबोन 26 नभेम्बरखालि हादतनाडेनो सानसेनि थाखाय सोमावसारनाय हाबाफारियाव (□ 5 बिलाइआव)

### फैगौ 27 आरो 28 नभेम्बरआव दतमा आरो श्रीरामपुर बियाबनि थाखाय बिसायख थि फोसावदिं फैगोन मन्थि ड॰ हिमन्त विश्व शर्माया

**कक्राझार, 25 नभेम्बर:** बिटिसिनि बिसायख थियाय खुंजानो गेजेराव 2 सप्ताहसोल' सम दसे। बे हिसाबे दासान्दि गुबुन गुबुन राजखान्थि दोलोफोरनि बिसायख थि फोसावदिनायाबो गोखौनिफ्राय गोखौसिन सोलिदों। बिटिसि हालामनि मोननै गोखौ राजखान्थि दोलो बिपिएफ आरो इडपिएएलनि अनगायबो राइज्यो खुंथायनि गोहोआव थानाय बिजेपि दोलोआबो बिसायख थि फोसावदिनायाव गुबुननि उन जानानै (□ 5 बिलाइआव)



### 14 नं चिरां दुवार बियाबनि थाइखाझारायाव इउ पि पि एलनि सोलायनायनि बिसायख थियारि सुबुं गौमा

**फैगौ दमासिआव बिपिएफखौ बिदाइ होनायनि मुडै नांगालखौ जाबनानै बेलागुर सावगोन: रन्जित बसुमतारि**

**चिरानिफ्राय फाखन गयारि, 25 नभेम्बर:** बिटिसिनि बिसायख थि खुंगोननि समआ खाथिनिक्राय खाथिसिन सौफेनाय हिसाबे दासान्दि बिटिसिनि राजखान्थि फोथारआव दुंहावनिफ्राय दुंहावसिन बारनो हमदों बिसायख थिनि बारआ। बिटिसि खुंथायखौ दखलाव लानायनि मिजिजों गुबुन गुबुन राजखान्थि दोलोफोरानो जिरायनाय आरो थाद'नाय गैयालासे बिसायख थि फोसावदिनायाव मुखुबे नांथावगासिनो थादों। दिनेबो 14 नं चिरां दुवार बियाबनि सिङ्खव थानाय थाइखाझारा राइन' फोथारआव इउ पि पि एल दोलोन मोनसे गेदेरथाय



**बिसायख थियारि फोसावदिं सुबुं गौमा खुंफुदों।** बे बिसायख थियारि फोसावदिं मेलआव 14 नं चिरां दुवार बियाबनि इडपिएएलनि बिजाथि रन्जित बसुमतारिआ बाहागो लानानै फेबाय थानाय

### संबिधान सानाव राइज्यो बैंगिरिआ गाहाम हामब्लायथि जासिहरदों

**गुवाहाटी, 25 नभेम्बर:** आसामनि राइज्यो बैंगिरि प्रफेसार जगदिश मुखिआ संबिधान सानाव राइज्योनि सुबुंफोरनो गाहाम हामब्लायथि जासिहरदों। भारत संबिधाननि गायसनगिरि ड॰ बि आर आम्बेडकारनि मुसुखायाव बिबार बाउनानै राइज्यो बैंगिरि जगदिश मुखिआ बुडोदि, जों संबिधाननि सोमोन्दै आरो बिनि मोन्थाय आरो बिबाननि सायाव इयुन जोलै सुबुंफोरनो सांग्रांथि हाबाफारिनि गेजेरजों मिथिहोनायनि राहा लानांगो। संबिधानआ जों साफ्रोमनोबो (□ 5 बिलाइआव)

### सरकारि साखिनि सायाव लामा नायालासे आबाद मावनानै गरंथानो हादों सनितपुर जिल्लानि लेखा गोरों माखासे लाइमोनफोरा

**ढेकियाजुलि, 25 नभेम्बर:** सरकारि साखि गैयाबलाबो आबाद मावनानै जिउखां राहा खालामनानै लानो हायो एबा गाव गरंथानो हायो बेनि फोरमानखौ होदों सनितपुर जिल्लानि गेरैमसा हान्जानि माखासे लेखा गोरों लाइमोनफोरा। सनितपुर जिल्ला आबाद मावखुलिनि सिङ्खव थानाय ढेकियाजुलि



खोन्दो आबाद मावखुलिनिफ्राय बेलसिरि ओन्सोलनि 1 नं 21 कि:मि: जान्थायाव थानाय सान्तिपुर गामिनि बि.ए. उश्रसारनो हानाय सा 6 (□ 5 बिलाइआव)

### मुंख्लं सानथिनि नख'रनो 20 लाख रांनि सेक गथायदों गिबि मन्थिआ

**दिसपुर, 25 नभेम्बर:** आसामनि गिबि मन्थि सर्बानन्द सनवालआ दिने जम्मु-काश्मीरनि भारत-पाकिस्ताननि गेजेराव थानाय मुलुगनां सिमायाव मुंख्लं जानाय बीर मुंख्लं हर्दन चन्द्र रायनि धुबुरि जिल्लानि पुतखिबारिनि मेदिपारायाव थानाय न'सिम थानानै मुंख्लंनि गोसोखांथि सावगारियाव बिबार माला गानहोनानै मान बाउयो। गिबि मन्थिआ बीर मुंख्लंनि बिसिनि आखाइयाव (□ 5 बिलाइआव)



### कक्राझार जिल्ला गावबुरा एस'सिएसननि गोदान आफाद दाफुंदों

**कक्राझार, 25 नभेम्बर:** दुलाराय बिटिएडि गावबुरा एस'सिएसननि कक्राझार जिल्ला दालाइ आफादनि थामथि 5 बोसोररि जथुम्माया सानसेनि मेहेसगोनं हाबाफारिजों दिने कक्राझार जिल्लानि (□ 5 बिलाइआव)















